

Sanhgyangh:

“Yezyej” Lienzvuen Angqcoux Ciengmoq

三江：“月也”联欢迎春

1 nyied 21 hauh, Sanhgyangh Dungcuz Swciyen Yangzhih Yang Sindung Cunh banh “yezyej” hozdung, 19 aen doihvwnzyi daj daengx yangh 9 aen hinczwngcunh daeuj haenx, yungh golaux Dungcuz、dohyeh、siujbinj caeuq gofoux minzcuz daengj vwnzyi cezmuz lai cungj lai yiengh, haeujlaeg senhconz cingcinj bangcoengh ranzungzhoj、bingzan hwnjguh caeuq minzcuz doxgiet daengj giengz nungz leih nungz cwngezw, gikcingz ciengqyiengj yaem’ wenq angqcoux ciengmoq angqyangz huzndei neix.

(Gungh Bujgangh/龚普康)



▲ Bau aendoma.



▲ Gaiqdoeg siujbinj.



▲ Hagseng lingx ndaej biuqci mbouj aeu cienz haenx.

Yungzsuij:

Baenz Fanh Lwgnyez Myauzeuz Naenghci Dauqranz Mbouj Aeu Cienz

融水：万名苗娃免车费回家

1 nyied 20 hauh banhaet, Yungzsuij Myaucuz Swciyen baenz aen baenz aen ci naengh rim hagseng menhmenh hai ok camhgiceh, yaek hai bae Danenz、Liengzcai、Ganhdung daengj yanghcin, yaek ancienz dwk soengq hagseng daengz ranz caeuq vunz ndawranz doxcomz.

Aen yienh neix yawjnaek hagseng ok rog ancienz vwndiz, aeu yanghcin lajmbanj hagseng “baedauq ranz hagdangz ancienz naenghci” gunghcwngz lied haeuj bi 2016 vih minz banh 10 gienh saedsaeh hanghmoeg ndawde gienh he, bued roengz 78.7 fanh maenz vih Minzcuz Cunghyoz、Baujvanz Cunghyoz、Yungzsuij Cin Cunghyoz geij aen hagdangz neix hagseng youq hagdangz ninz haenx daezhawj naenghci bangbouj.

(Liengz Suihih/梁瑞晞 Mo Yujdingz/莫汝婷)

Lungzswng: Haiguh Lungzfiengz Saeceijfiengz Swnjcienz Beizyin

龙胜：开展草龙草狮传承培训

Mboengqneix, Lungzswng Gak Cuz Swciyen Bingzdwnj Cin Gvangjanz Cunh vunz lai youq lungzfiengz saeceijfiengz cauxguh daihyausing bouxswncienz Vangz Yiz sonyinx baihlaj, hagsib dinfwngz biujyienj. Ciuq cam rox, Gvangjanz lungzfiengz youq Cinghcauz Daugvangh nienzgan hainduj, bi 2012, Gvangjanz lungzfiengz ndaej liedhaeuj swcigih gaep feihvuzciz vwnzva yizcanj.

(Veiz Gizyangz/韦吉阳 Yangz Cunhcungh/杨春忠)



▲ Bouxgeq cingq son lwgnyez foux lungzfiengz.

Ningzmingz Haiguh “Vwnzva Byaraiz Haeuj Ginhyingz” Angqcoux Ciengmoq Camnai Yienjok

宁明开展“花山文化进军营”迎新春慰问演出

1 nyied 21, Ningzmingz Yen gungh’ anhgiz cujiz aen cawjdaez dwg “vwnzva Byaraiz haeuj ginhyingz” camnai yienjok hozdung, vih gyoengq bouxbing capsouj henzguk biujyienj le minzcuz diuqfoux、yienj minzcuz yozgi、bing minz habciengq、eu fwen daengj vwnzyi cezmuz, baijyienj le huqbauj vwnzva Byaraiz Bouxcuengh, caeuq danqhaenh le gij cingzcauh bouxbing fouzsei gienok、bauj ranz henz guk, youq seizdoeng vih gyoengq bouxbing soengq bae le gij camndei caeuq hohfuk ciengmoq.

(Couh Yizgangh/周贻刚 Vangz Fungcinh/黄凤珍)



▲ Minzgingj Biujyienj Gienzbyaraiz.